

中国公论 / 上海中国公论编辑部 · — no. 1 [1928.
?] ~ [?] · — 上海: 编者, [1928] ~ [?].
; 25cm.
半月刊.

* * *


本刊共摄制1卷, 16毫米, 缩率1:20. 原件藏北京
图书馆, 北京图书馆摄制, 母片藏全国图书馆文献
缩微复制中心(北京), 原件有污迹, 破损.

本刊片卷摄制目录:

no. 1 ~ no. 10 (1928. ? ~ 1929. ?)

6.21.13 2-10

共 84 /



論 公 國 中

半 月 刊
創 刊 號

發 刊 辭
時 評

第四執監會與全國代表大會

革命時代籌款果可不擇手段乎

江蘇大學之免費風潮

陳銘樞與粵主席

專 論

革命黨之專政與其進展性（對國民黨之診斷書）

建設中之銀行政策

大學院應當注意之問題

國際政治經濟情形

戰後法國財政經濟之恢復

日本衆院選舉之結果觀

南洋研究專欄

日本侵略南洋之現與我華人今後的覺悟



本社同人

大 仁

鳴 九

正 宇

魯 公

楊 正 宇

郭 文 翰

陳 柱 尊

乙 未 生

吳 自 強

劉 士 杰

南京圖書館藏

徵文規例

- 一 本刊文稿只求議論通達坐言起行不論白話文言一律登載
- 二 凡社外同志有與本刊抱同一之思想與目的惠以鴻薦鉅製者無任歡企
- 三 惠寄文稿請繕寫清楚最好能按照每頁十八行每行二十五字繕寫
- 四 惠寄文稿如係翻譯請將原文一併附寄
- 五 惠寄文稿無論登載與否原稿概不退還惟預先聲明退還原稿者不在此例
- 六 惠寄文稿本社得酌量增刪
- 七 本刊純以同人之勞力與金錢創辦發表一己言論意見以與全國同志討論革命之方略研究建設之計畫以期完成新中國之大業非屬賣文性質故祇取紙本印費同志中如有惠寄稿件者登載之後本社除以本刊作酬外不另致贈品
- 八 本刊同人之言論意見深願與全國同胞往復質證以期折衷至當故於本刊之末特闢通信一欄
- 九 凡惠寄文稿及通信均請逕寄上海公共租界勞勃生路致和里二十一號中國公論編輯部

R
505
454.55

發刊辭

本社同人

中國公論胡爲而發刊乎。爲欲實現我中國國民公共之要求。宜洩我中國國民公共之意見。一切以國家民族之公利公益爲前提。絕不容納一黨一派之偏私。而樹立一種主張。公是公非。不屈不撓之公論也。中國國民公共之要求爲何乎。我民族生存之確保。我民族障害之排除。我民族新國家之創造是也。中國國民公共之意見爲何乎。即我國民人格之修養。革命方略之討論。建設計劃之研究是也。於此焉。以鑒定革命之真偽。於此焉。以批評建設之臧否。絕不容有一毫權利之私。滲入其間也。

中國國民公共所要求之新國家。爲如何之國家乎。真正獨立之社會民主國家也。對外焉。我國家與他國家有權利義務上之平等。對內焉。我國民與國民有政治經濟上之平等。不容外來強暴之侵侮。消弭內部階級之傾軋也。

吾人欲完全實現此理想。則目下當排除之障害有三。一、帝國主義。二、軍閥。三、附屬于帝國主義之買辦階級及附屬于軍閥之腐敗官僚及無聊政客。欲驅除此三項障害。乃不能不喚起同胞。爲

中國公論 創刊號

革命方略之討論。以不妥協之精神。求得澈底之解決。夫然後可語及建設之一端。

建設之道。端緒至繁。雖不可枚舉。然吾人主要之精神可得而言者。則內度本國國情。外審世界大勢是也。至其實行之初步。首在釐定行政制度。使井然有序。綱紀畢立。次在集中人材。使政府強固。百廢俱舉。再則立有系統之財政計劃。集中資本。發展一切生產事業。培養社會經濟能力。再次則立有系統之教育計劃。磨育人才。發達新興之事業。再次則立有系統之國防計劃。以保領土與主權之安全。吾人畢心經營。最終對外以獨立對內以平等爲依歸。

雖然革命之役至重。建設之道至艱。非易舉者也。吾觀夫革軍閥官僚之命而自已旋爲軍閥官僚。反對人之貪污腐化而自已旋貪污腐化者。比比皆是。陳陳相因。使中國之混亂破壞。至不可收拾。革命與建設豈易言哉。欲革命須先革新自己之精神。欲建設須先建設自己之人格。故無澈底之精神與健全之人格者。不足以語革命與建設也。

孟子曰。吾善養吾浩然之氣。又曰。是集義所生者。非義襲而取之也。是則精神與人格之修養。固非朝夕之功。其德目與方法。非可



626805

南京圖書館藏

以簡單枚舉者也。然于茲有至要之精神數端。爲愛國青年欲從事于革命建設所必不能不備者。請簡略舉之。以爲吾愛國青年同志修養之鵠的焉。

第一、吾人欲求自己個人之幸福與名譽。往往無多餘之精神。謀國家民族之福利。吾人欲謀國家民族之福利。往往即須犧牲自己個人之幸福與名譽。個人之福利與公共之福利。往往不能並存。故吾人不從事于建設與革命則已。欲從事於建設與革命。則首在有犧牲之精神。

第二、欲有新之建設。方有舊之改革。吾人既爲建設而革命。則吾人須先有全盤之計劃。按步實施。同時革命。同時建設。非一味情感衝動。盲目破壞而已。故吾人欲爲建設的。革命。首在修養理智之能力。

第三、建一屋也須鳩羣材爲之。況國家之大乎。欲國家之百廢俱舉。須竭全國之人才。使大小事業。各得其才。大小人才。各得其用。然現在有爲登庸人才之一大障礙者。則人多有一種黨派地域學校系統等門戶之見。橫互于心。部落之精神。未暇。人才登進之途。因以阻滯。故吾愛國之青年。須以天下爲公。理爲主。不執偏見。不顧恩仇。力養公正偉大之精神。

第四、美國之獨立也。血戰十三年。法國之革命也。前後凡三次。其他史乘所載。不勝枚舉。故革命建設之役。至巨至艱者也。吾黨青年欲努力斯舉。亦任重道遠者也。此二三十年來之革命人物。吾所見者亦夥矣。或則以威逼而屈其志。或則以利誘而易其操。或則前熱烈而後灰心。或則前努力而後委靡。則皆無一貫之精神。以貫注其中也。故吾黨青年欲完成革命與建國之偉業。須應行。即行。應言。即言。勇往直前。再接再厲。不爲富貴貧賤。威武所動。搖不以失敗挫折而喪志。力養勇敢堅毅之精神。

吾黨青年欲求實現吾中國國民所公共要求之新國家。則不可不力事澈底之革命與切實之建設。欲從事革命與建設。則不可不力求深厚純潔之修養與高尚完全之人格。吾黨青年務須發奮砥礪。朝夕不懈者。有二義焉。一曰人格革命。二曰人格建國中。國公論爲欲發揮此二義。故一方與吾黨青年爲人格修養上之切磋。革命方略建設計劃上之討論。一方誠布公。抒吾輩良心之所見。以批評現在政象之良窳。本應言即言之義。以與國人相見。雖斧鉞鼎鑊當前。亦決不畏避也。

時評

國民黨第四執監會與全國代表大會

大仁

欲黨之運用靈活。則務須黨權集中。故黨員對於高級幹部之服從。至爲重要。而黨權集中。常易發生少數人壟斷把持之危險。故有全體代表大會以控制之。在平日。則黨員絕對服從領袖之命令。至開全體代表大會時。領袖須報告其總結算於全體黨員。爲罪爲功。皆于此時定奪。今國民黨內部之分子。既極複雜。在清黨未完竣之前。冒然開全體大會。殊危險堪虞。而黨中糾紛。又極待一全體會議以處置之。乃不得不以第四執監會爲權宜之手段。但此爲一時救濟之法。不可視爲經常之道。若國民黨不從速清理內部。恢復通常之秩序。求舉行有規律有定時之全國代表大會。則所謂執監委員者。將終身或世襲之。爲執監委員者。雖高尚自持。欲不壟斷把持。亦不可得。將與民國元年之議員。洪憲約法之議員。段政府之議員。同其壽命。同其價值。至於賤腐之總結算。

更無報告之機會。甚且全黨卽以此少數人之存亡爲存亡。噫。亦危險之甚哉。

革命時代籌款果可不擇手段乎

鳴九

欲求革命政府之鞏固。則經濟財政通盤之計畫。必不可一日或緩。以此義衡。方今革命政府。果何如者。財政政策不確立。經濟政策亦無由設施。方今革命政府之財政政策。果何如者。財政政策之確立。一在財政當局之待人。方今革命政府之財政當局。果何如者。聞革命政府財政當局曾有宣言。革命時代。籌款不擇手段。信如此言。祇要籌款有着。苛捐雜稅。一切擾民害民。舉凡晚清及軍閥時代所不敢行。所不忍行者。皆可肆行而無忌憚矣。然人民忍痛於一時。國基奠定於萬世。猶可爲之寬假也。使民財既殫。國庫亦絀。國與民交受其病。不亦可以已乎。當此戎馬倥傯。興廢百端。在在非款莫辦。財政當局。以一身而負統籌之責。欲裕國而利民。自有捉襟見肘之虞。吾何能以置身局外之人。不顧局中之苦。妄加深責。然爲政之道。要有常經。時無論古今。地無論中外。必有至當不易可常可變之政策。斷非如方今財政當局所云爲已也。

甚願其深自猛省。為革命政府定百年之大計。為革命政府下之人民。留一綫之生機。至政策如何而後可以確立。請俟下期再論。

江蘇大學之免費風潮

樂公

中山三民主義主要之精神。在求國民發展機會之平等。而現今社會有至不平等之現象。一則職業上之不平等。再則教育上之不平等。古語有曰。朝內無人莫做官。今則更進一步。家內無錢莫讀書矣。英俊之士。以生活之困難。學膳費之重負。因而展轉失學。不能成器。或則挺而走險。趨入歧途者。何可勝數。社會不能培育所有之人才。使貢獻于正道。此社會之所以衰頹也。既不能指導青年于未入歧途之先。乃不得不從而利之于後。此恐不得不為社會及吾黨青年放聲痛哭者也。或問于愚曰。如何可以防止青年傾向共產乎。愚曰。惟在從使有教育與職業之保障着手耳。江蘇大學學生之免費風潮。應以本于羣體精神。而獲十分之同情。惟有所不滿者。則該校學生手續上之不合耳。蓋國立大學之收費。乃全國教育行政當局通盤之計劃。非江蘇大學一校之問題。學生既感受負擔之痛苦。而要求免費或減費。在黨治之下。既承認有全國學生總會。亦應由學生總會向中央教育行政當

局提出。候其考慮定奪也。至以是而復涉及職員之進退。則純然情感用事。而逸出問題之外矣。雖然教育行政當局以作育人才為懷。此後當能注意于學生負擔之減輕與夫教育之推廣也。

評陳銘樞

魯公

陳銘樞為十一軍軍長。可戰之兵。僅足兩師。此次與張黃相周旋。聞其損失實力至二分之一。以極少之兵。乃甘犧牲。凌絕險。以當極悍之寇。豈一班利用他人自保實力者所能望其肩背哉。可謂中國之真軍人矣。自此次汪蔣合作以來。諸將中多有不滿者。陳亦反對此舉之一人。然觀其近來言論。猶時時以全大局息浮言為念。其能識大體。亦高人一籌矣。惟現有就粵省主席之意。果爾則殊為不智。蓋其才長于練兵作戰。故有以前鐵軍之成績。而政治能力則殊欠充分。即以去歲任總政部之陳跡觀之。成績不多。雖為時過促。各方掣肘。不能逕行其志。然籌調度之不當。則不能為之諱也。今廣東省政。其複雜困難。較之前之總政部有過之無不及。陳若就之而不以其全副精神訓練軍隊。棄長用短。棄實就虛。則甚可惜矣。

專論

論革命黨之專政與其進展性

揚正宇

一名國民黨專政之診斷書

國民黨標榜一黨專政者久矣。一般稍稍關心于國事者莫不以之爲一極重要之問題。且因之生出多少之聚訟。愚竊願一貢所見。以與我國民商酌其應持之態度。且促國民黨之改進焉。

愚以爲一黨專政與多黨對立。純視政治現象之爲常態或變態而轉移。非固執不變者也。國家之政象爲常態。則政權之運用當然屬之二以上之政黨。此對立之政黨。以通常之政治手段訴之于國民之公意。以決勝負。而互爲消長。如國家之政象爲變態。則國民爲救亡之故。必以革命手段將一切不適之局面摧陷而廓清之。在革命之過程中。吾人所抱之目的所取之方法既同。爲集中勢力縮短時間之故。更不能不有統一之組織以指揮領導之。國人齊集于同一革命黨指導之下。以完成其工作。革命爲一時之特殊政象。吾人對之祇有參加與反對之二途。並無討論其他。

政見之餘暇也。革命者對於反對派固必敵視而鋤誅之。即反對者對於革命派亦未有不除之惟恐不盡者也。此二者既無妥協之理。復無並存之勢。其主張一黨專政而不容敵人存在。乃必然而無疑者。故吾人欲斷定國民黨一黨專政之是非。首在斷定我國之政象爲常態抑變態。有無革命之必要。及國民黨爲特殊之革命黨抑通常之政黨。有無導領革命之能力也。

以我國之外交言。則列強對於經濟之榨取日深一日。對於政治之壓迫日甚一日。國家之命脈垂盡。而內政方面則不惟無力自救之機。且豺虎縱橫。網紀蕩盡。賄賂滋彰。百度敗壞。苟非國民齊起用革命方法。將此凌亂污穢沈沈欲死之局面滌蕩更新。同德一志。以抗強權。實無救死之法。國民黨號召革命甚久。且一年來。戰勝攻取到處響應。其勢力不可謂不大矣。是則中國之需要革命已屬彰彰。而國民黨之領導革命。亦有種種之確證。吾人之絕對信任國民黨。而任其專政。又奚疑乎。然而有未盡然者。則今後社會之局面是否仍如國民軍未出兩廣以前。而國民黨人之志趣與能力是否仍如初出兩廣時之純潔偉大也。蓋方在殷憂。則竭誠以濟世。既得志則縱情以傲物。當其未出廣東也。以數萬精誠誓死之士。坐困一隅。形勢逼于外。義憤激于中。如怒奔之流。

急轉直下。如滿引之箭。貫革破的。故有前歲戰勝。攻取一洩千里之偉績。但贛鄂惡戰。愛國志士。凝血成膏。精銳之士。死亡恐過半矣。今雖仍號稱擁黨員數十萬之衆。統隊伍數十軍之多。其中不乏愛國忠黨之士。然百戰餘生。疲敝過甚。強弩之末。難乎穿魯縞矣。既下閩皖。復據江浙膏腴之區。世俗之誘既深。驕奢之念復起。則前此以死相拚。狂熱如燒之愛國心。尙能堅保而勿變乎。吾故曰。國民黨之專政。與否。吾輩可絕不用有所非難。但此後國民黨能革命與否。吾人反不可輕易看過也。此後國民黨如能奮力革命。雖專政。吾人當擁護之。萬衆一心。以圖早脫國家于危難。若此後國民黨腐化。徒以先烈之碧血。飾自己之門面。以先烈之頭顱。作自己之招牌。在在挾黨國之勢。以營一己之私。則國民黨之末路。亦如軍閥。如共產黨。而自即于滅亡。吾人之必起而剪滅之。亦與打倒軍閥。剷除共產黨。同黨之精神。與形式。均歸于消滅。是則黨且不救。胡由而專政哉。雖然一黨之產生發達。殊非易易。內部組織之逐漸完善。社會信用之逐漸增加。皆非有長時之努力與陸續之犧牲。不爲功。國民黨之有今日。實以多量心血。腦血爲代價所易來。今日擊此先烈碧血之結晶品。將肉腐蟲生。而乃默然不言。于心實有所不忍。縱令吾儕可另覓工具。別造一黨以代之。

然中國已如重病垂死之人。奄奄一息。不能再經長時之期待。與過量之勞動。黨雖不足惜。國能不可慮乎。愚非國民黨員。然對於國民黨。尙念願惜。不肯拋棄。痴迷之希望。不願國民黨人之憤怒。常痛斥國民黨人之謬誤者。一則爲愛國。故而惜黨。再則禹之謨。陳天華。徐錫麟。溫生財等之音容。黃花岡之遺烈。武昌城下之積屍。南昌城邊之碧血。尙一一深印于吾之腦海也。

吾聞之。愛人者必匡人于將敗之時。治病者必投藥于未死之際。今者國民黨之危險症候。已暴露矣。而一般國民黨人尙在大作其驕矜誇大悠悠自得之狂夢。吾願于憂世愛國之念。不得不爲之下一診斷。以冀救濟于其未敗之前。其願服吾之方藥與否。則非愚所敢知也。

我國所急需者非革命乎。國民黨所曰曰呼號者亦非革命乎。而現在國民黨所得最危險之病症。即在漸次喪失其革命之進展性。即在漸次保守。漸次自利。漸次腐化。漸次走至革命之反對方向也。今試先言革命黨之宜保存進展性。

革命一語。若作爲學術的研究。恐窮日之力。尙不能舉其義。吾儕惟就各國歷史所昭示之事實。以尋繹其意義。如意大利之革命。英吉利之革命。北美十三州殖民地對英之革命。法蘭西之革命。

或則創獨立平等之新國家。或則奠平民政治之新基礎。蓋無不賦有一種突破舊環境。創出新局面之進展性。故歐美各國有一度之革命。則政治上經濟上社會制度上國民精神上。皆莫不有。一度之進步。非仍故步自封。保守其原狀者也。而我國歷史亦素有革命之名辭與事實。如桀紂暴亂。湯武革命。其他如驅逐異族之朱洪革命。皆不過易異族為同族。易暴主為仁君已耳。不過改元易姓。私人間政治權力轉移之關係已耳。於社會根本之組織與精神固毫無變化也。披閱我國之歷史。徒見夫太祖太宗高祖高宗之武功戰績。論功行賞。列土分茅而已。打倒舊君主。產生新君主。打倒舊貴族。產生新貴族。數十年歷史中革命者凡百十次。然實則屢革不一革也。故中國之革命如轉環然。自始至終。仍歸原處。方之歐美之進展的革命。則難與同日語矣。

在昔海禁未通。閉關自守。內部之生活既無變化。外部之思想復未流入。則革命者不能新有創設。仍承繼前制。依樣葫蘆。尙屬理所當然。自歐風東來。民主思潮輸入。宜若可以一破從前之積習。除舊布新。故辛亥革命乃能打倒數千年來之君主政治。突飛猛進。一躍而為民主共和。誠能開從來未有之新局面。似由中國固有之循環性的革命。一進而為進展性的革命矣。不知辛亥革命

之所得者。僅為「中華民國」之一空招牌。而實則以軍閥易滿清。仍僅為私人與私人政治權力上之一轉移。且十五年來軍閥之殘民賣國。實較滿清為尤甚。人民之水深火熱。亦倍蓰于處滿清帝政之下。是則去古代以仁易暴之循環。革命尙遠甚。邊論進展乎。孫中山明見乎此。故臨死尙語人曰。「革命尙未成功。同志仍須努力」也。中山既死。民黨志士。承其遺訓。鑒于辛亥之失敗。奮發砥礪。務求澈底之革命。今長江珠江兩流域及北方之大部。舉統治於革命政府之下。青天白日之旗。飄搖各地。督辦省長之惡制既革。而概承以主席委員之新制。應另成一嶄新之局面。以異于辛亥之革命矣。乃仔細觀察。殊有不能滿吾儕之意者。則現在一切政治軍事黨務類多帶保守之氣味。而漸喪進展之性質。中山天下為公三民主義之精神。舍却標語上常常見之開會時偶爾聞之以外。在事實上實難覓之也。謂恐不信。願將現在之政治軍事黨務略略分解。而一一以國民革命三民主義天下為公之精神權之。

所謂革命黨專政者。乃使革命之精神。貫徹於政治上。即以革命黨監督政治。指揮政治。務使向革命之目的進行。不使有違反革命目的之政象發生。非黨人包辦政治。專利飯碗之謂。尤非黨中

地位優越者把持地位私相授受之謂也。蓋革命問題犧牲與熱心之大小而政治則問學術技藝上之專長。若黨負不問優劣須全納之于政治之中則將才任不稱百政廢弛且黨員羣趨于政治方面領導者概惟地位權利是競則黨亦有根本瓦解之虞。愚不憚煩瑣敢再申言之曰。所謂革命黨專政者使政治浸溶于革命之理想中日趨于改進積極之途徑而剷除一切因循敷衍營私貪墨等腐化之分子及習慣也。今國黨取得南方各省之政權。淺者近一年久者年有餘矣。日日言黨化政治果曾化于國民黨之理想乎。語曰。期月可矣。三年有成。吾人苟以三年之有成。責之未及一年之政府。則殊不近人情。吾現惟按迹求心。問年來之當局果時時有此一種傾向與準備乎。今請分政治軍事黨務三端言之。

欲言行政請先言用人。中山常述其最得意之古訓曰。天下爲公。此語析之。蓋有二義。一則使天下之人當天下之政。優劣智愚各盡所長。而政無廢事。人無遺才。再則歸天下之政於天下之人。使制令設施概由公意。而權無把持。位無壟斷。且恐徵別人才之無正確具體之標準也。乃一再倡言考試一權。其用心可謂至周到矣。今試問黨國當道。其徵別人才登庸人才之方法。果何如乎。或

者以爲大局未定。考試之制度難行。則惟有力舉所知矣。語曰。內舉不避親。外舉不避仇（指私仇）亦古代用人至公之法。察乎現在用人之道。則往往要人兼職之多。有至不可思議者。蓋能自用矣。次之其家人親戚多得要職。能用親眷矣。再次之則鄉人故舊門生遍佈各處。能用門生故舊鄉人矣。內不避親之精義。可謂充分發揮。外不避仇之義。則人心不齊。未之能行。但非仇之中。同黨之中。其已全無見遺之才乎。若革命而祇有家人親戚故舊門生鄉人。則其革命之能力也有限。若建設而祇知有家人親戚故舊門生鄉人。則其建設之成績也可知。蓋真革命真建設。非能延攬全國之人才。至少亦非用盡全黨之人才。莫可。此望政府當道所宜速深省者。否則一黨專政之名。辭不過成爲爭權奪利。位置私人。鞏固自己之位置。維護親屬之飯碗之工具。政治之腐敗自若。甚且有加焉。則革命失其進展性。而漸次傾于保守自利。腐化終至于反革命。非惟不能得吾國民之擁護。且爲國人之所共棄也。

用人之外。再言行政。恐常見一老人太息言曰。苟吾國而與外人宣戰者。吾雖黃髮駑背。亦願執一鎗以爲前驅。嗟。何言之沈痛雄壯至此乎。蓋帝國主義者數十年來略侵我國權。割據我國土。吸

取我國民金錢。以種種非理之舉加之吾人。以種種非人之道對付吾人。吾堂堂華胄受此數十年來之訕笑。欺侮。殘虐。壓榨。宰制。積恨如山。函怨如淵。如展轉組上之弱小動物。乃不得不為最後之一呼號。以表示其怨憤也。故中山之民族主義。倡全國擁護之狂熱。乃如沸湯烈焰。豈中山果有若是之偉力耶。蓋國民之深怨積痛。借中山為之宣洩也。中山之擁戴于國民。國民黨之得勢于中國。純以能代表吾人狂熱之民族思想與切齒之反帝國主義精神也。故一年以來。戰勝攻取。當者披靡。實則此種精神之運動。國民黨不過形式上代表之已耳。既國民黨可代表此種精神。國民黨能所向無敵。則國民黨而失去此種精神。國民黨之活動力。將消失也。可知故國民黨此後之消長。成敗。即在視其對帝國主義之態度如何。而如能積極以收回海關。取消不平等條約為職志。努力求達到之。則前途之洪運甚隆也。然中國現勢之微弱如此。欲以武力達到此目的。則任何人皆知其為不可能。是則非民衆偉大之能力不為功。蓋國黨軍隊雖不能戰勝帝國主義。荷國民全體動員。作經濟上之戰鬥。則尚有絕大之威力。足以制帝國主義者之死命。但民衆之本身雖有此絕大之勢力。若無長久之訓練。堅密之組織。合法之領導。亦渙散而不能顯其作用。國

民黨對於是等工作之成績如何乎。以數月來之情勢觀察之。各處黨部之組織異常弛放。黨員之工作異常懈怠。各地雖有工農會等民衆團體之組織。但或則為共產黨所利用。或則為土豪劣紳所把持。或則與民衆貌合神離。毫無提挈之實力。實際上革命政府與民衆已漸漸分離。而非打成一片。自停止民衆運動之明文見。則政府與民衆已完全脫離。敢問政府諸公對於中山之民族主義果有實行之誠意乎。對於海關果欲收回乎。對於不平等條約果欲取消乎。舍民衆之力量外。果何所持而能為此。豈恃此四個集團之軍隊。遂能與列強一宣戰乎。或曰。共產黨常利用民衆運動以擾亂後方。且民衆運動之氣餒太猛烈。往往促帝國主義者與軍閥之勾結而障礙北伐之完成。權其輕重緩急。當然以國內之統一為急。而列強之對付實之。此尚有為革命政府解釋之理由。但吾人退一步欲質之。革命政府諸公。則對於不平等條約之修改與海關之收回。革命政府是否已有全盤根本之計劃。對於民衆之訓練與組織。黨部是否已有切實之辦法。與準備。蓋革命之性質乃急迅進展的。絕對不容一刻停頓。而民衆之活動又非經長期之訓練與組織。不能奏政治運用之效也。若必俟軍事完結。統一告成。然後再及外交問題。則失人民熱烈

之希望而坐逸良好之時機。且政府黨部軍隊中人苟非兼職太多。則大可分途工作。絕無牽制之虞。故現在若專以軍中爲口實。而全置外交問題于不顧。則雖百口亦無以解去與帝國主義者妥協而保位目利之嫌疑。此望黨政當道所宜速深省者二。國民黨既以反帝國主義獲國人之同情而與起。斷無有與帝國主義妥協失國人之同情而倖存者也。

晚清裨政。民不堪命。軍閥貪暴。更甚于晚清。人民展轉于貪吏虐政蹂躪之下。火熱水深。不可終日。革命黨得其際也。故初出廣東。即力標廉潔政府。打倒貪官污吏之義。此義雖似老生常談。但在暗無天日之軍閥政治下。頗能動一時之觀聽。而受國民熱烈之歡迎。故革命軍之能順流東下。底定長江。雖曰成于武功。實則由于民意耳。民意何所屬乎。則亦輕賦簡稅。政清吏廉。得以安樂求生而已。今軍閥已去矣。中國之東南已歸革命政府所統一矣。所謂苛捐雜稅之免除。可得見乎。或且有加也。或曰。統一未竟。餘孽猶存。軍需浩繁。籌措孔艱。今非除去之時。愚尙不欲以此責之革命政府。今退而問其次焉。敢問政清吏廉之謂何。在昔軍閥專政。吏以賂行政。以賄成。任一縣知事也。需錢若干。任一稅局長也。需錢若干。官吏之舞弊營私。視如經義。如江寧製造局與滬寧鐵

路局。爲營私自利。最肥腴之機關。就中以滬寧鐵路言。其營私舞弊之收入。單局長一人。月可坐得二萬餘元。其他職員之分肥。尚不在此數。現革命政府之下。此等積弊。果已革清乎。徵收官吏之手續費（派動費）民政官吏之炭敬。種種惡習。能徹底剷除乎。前者尹子衡以貪賄而鎗決。果尹子衡以外。革命政府所任之官吏。即皆廉潔自好之人乎。非然者。革命政府對於官吏之督察。對於政治之考核。其績可得聞乎。若革命政府之官吏而仍貪黷。一如晚清及軍閥時代。革命政府之政治而仍昏暗。一如晚清及軍閥時代。則所謂革命黨者。早已腐化而自趨于被打倒之一途。其崩頹將較軍閥爲尤速。此望黨政當道所宜速深自省察者。三。凡循國人之希望而興起者。未有背國人之希望而能倖存者也。

政治方面已就緒。所欲言者。略略分別述之。今再言軍事方面。則其令國民不滿之點。已暴露至顯。如同爲黨軍也。忽而武漢東征。忽而寧方西討。既分爲寧漢矣。寧與寧漢與漢之中。又露裂痕。又如廣州共產之亂。如認共產之軍隊。爲適當。則雖在廣州。亦不應稱兵相加。如認共產爲不當。則任在何地。亦宜力肆討伐。除惡務盡。乃當其侵佔自己之地盤也。則拼命相鬥。及驅至自己地盤。

以外也。則又整戈而旋。是何自相矛盾之甚也。自漢寧之分裂以來。革命軍領袖之擁兵自重。據地稱雄之心。昭然若揭。自相殘殺。自相踐踏。黨軍之惡化如是。則革命之運命行將告終。凡擁重兵者。可逕率直言曰。余須帝制。自爲有何惜重。一黨專政。一名辭之必要乎。此望黨軍當道宜速自猛省者。四軍閥既以違背時代而滅亡。而吾儕乃不自審擇而急履其迹。是何異于奪人之鳩而自飲之。

夫革命黨之所以宜一黨專政者。以其措施統一勢力集中也。但欲求政治上之措施統一。先須求黨中之指揮統一。欲有統一之政。須先求有統一之黨。國民黨自身統一之程度果何如者。往事愚不欲多提。即以最近者論。中央執監會。黨中最高之幹部也。中央執監委員。黨中最高之領袖也。乃南京方列席于中央執監會而開會之委員。廣東乃認爲罪人而沒收其財產。又孫中山國民黨首創之總理也。中山之遺囑。黨中奉爲金科玉律。而每聚必誦者也。乃廣東已認爲廢物以法令取消之。他處則仍在每聚必誦。一黨之中。自相反對自相矛盾若是。在昔寧漢對立。寧方專政。漢方亦專政。吾儕細人頗難辨誰爲合法。果應擁護何方乎。南京之中央委員爲廣東之罪犯。南京應讀之遺囑爲廣東取消

之廢話。吾儕細人頗不易別其誰爲合理。果以何方之命令爲正當乎。黨之自身已分裂矛盾如是。縱黨以外之人。不反對其專政。即黨以內之人亦自發生異論。所謂黨外無黨。黨內無派。胡爲云乎哉。故欲求專政。須先求一健全之黨。此望黨政當道所宜速速深省者。五否則滅亡。國民黨者即國民黨。更何必敵視共產黨與國家主義派哉。

〔註〕以上兩節所言均有各報之專電爲據。

今愚對於專政。再作一簡明之結論曰。惟堅固偉大之革命黨。乃能專政。惟有進展性者。乃爲革命黨。惟不妥協不保守不私自不腐化者。乃能保持其進展性。吾儕所需要者。爲事實之國民革命。爲兌現之三民主義。苟國民黨能保守其真實之革命精神。則任如何專政。吾儕國民亦甘于擁護之。若徒發不兌現之紙幣（標語口號）而借之以吸收現金（做官發財）漸次妥協保守。自私自腐化。則不受國人之打倒。亦必自裂。黨且不救。更胡云乎專政。國民黨之症候。愚診視已久。特爲之下一診斷書于此。至其醫救之方。則請俟諸下期。

建設中之銀行政策

郭文鶴

余草此文時。係假定中國革命尙未達成功之期。革命成功中。即

當着手建設事業。建設事業中。以經濟為最急。經濟建設中。尤以銀行為最急。故研討及之。或謂革命既未成功。建設在所當後。何亟亟研討為。余以為建設事業。難於破壞千百倍。不先加研討。則臨事倉皇。何從措手。且革命事業。以破壞始。必以建設終。不有建設。徒務破壞。不能謂之革命成功也。顧何以謂建設中。惟銀行為最急。蓋經濟建設。生產先於分配。而中國現狀。尤非發展生產。事業。不可欲生產事業之發展。不得有賴於資本銀行者。資本供

給之源也。銀行繁榮。各種生產事業均隨之滋殖矣。銀行如何而後能繁榮。是在政府之指導。此政策所由尚也。中國之有銀行。已廿餘年矣。政府亦嘗思所以指導之矣。何以生產事業尚未發展。則帝國主義者經濟壓迫之所致。帝國主義者之經濟壓迫。良非一端。而外國在華銀行實助成之。觀左列各表。足以知外國在華銀行勢力之大。而帝國主義者之經濟壓迫。亦可藉以窺見一斑。

(一) 在華外國銀行一覽表

國籍	行名	設立年度	資本總額	已繳資本
英國	麥加利銀行	一八五七年	三,〇〇〇,〇〇〇鎊	三,〇〇〇,〇〇〇鎊
英國	匯豐銀行	一八六四年	一〇,〇〇〇,〇〇〇元港	二〇,〇〇〇,〇〇〇元港洋
英國	有利銀行	一八五四年	三,〇〇〇,〇〇〇鎊	一,〇〇〇,〇〇〇鎊
英國	大英銀行	一八三〇年	五,〇〇〇,〇〇〇鎊	二,五〇〇,〇〇〇鎊
法國	東方匯理銀行	一八五五年	七,〇〇〇,〇〇〇法郎	六,〇〇〇,〇〇〇法郎
德國	德華銀行	一八六九年	一〇,〇〇〇,〇〇〇兩	七,〇〇〇,〇〇〇兩
比國	華比銀行	一九〇二年	一〇〇,〇〇〇,〇〇〇法郎	七,〇〇〇,〇〇〇法郎
荷蘭	荷蘭銀行	一八二四年	一〇,〇〇〇,〇〇〇盾	〇,〇〇〇,〇〇〇盾
荷蘭	安達銀行	一八三三年	五,〇〇〇,〇〇〇盾	五,〇〇〇,〇〇〇盾

意大利	義品銀行	一九二三年	10,000,000 法郎	7,000,000 法郎
意大利	華義銀行	一九二〇年	1,000,000 美金	1,000,000 美金
美國	運通銀行	—	6,000,000 美金	6,000,000 美金
美國	花旗銀行	一九二二年	5,000,000 美金	5,000,000 美金
美國	大通銀行	一九二〇年	2,000,000 美金	1,000,000 美金
美國	美豐銀行	一九一七年	1,000,000 元	900,000 元
日本	正金錢行	一九二〇年	100,000,000 日金	100,000,000 日金
日本	台灣銀行	一九一九年	200,000,000 日金	300,000,000 日金
日本	三井銀行	一九二〇年	100,000,000 日金	60,000,000 日金
日本	住友銀行	一九二二年	10,000,000 日金	50,000,000 日金
日本	三菱銀行	一九二三年	50,000,000 日金	20,000,000 日金
日本	朝鮮銀行	—	20,000,000 日金	50,000,000 日金
日本	大連銀行	一九二二年	3,000,000 日金	2,000,000 日金
日本	大連商業銀行	一九二八年	2,000,000 日金	2,000,000 日金
日本	哈爾濱銀行	一九二二年	2,000,000 日金	500,000 日金
日本	開原銀行	一九一九年	1,000,000 日金	500,000 日金
日本	長春實業錢行	一九二七年	1,000,000 日金	500,000 日金
日本	振興銀行	一九二八年	1,000,000 日金	300,000 日金

中國公債專錄

日本	平和銀行	一九〇年	一〇〇〇,〇〇〇日金	二五〇,〇〇〇日金
日本	大昌銀行	一九二二年	一〇〇〇,〇〇〇日金	三三〇,〇〇〇日金
日本	滿州殖產銀行	一九二八年	五〇〇,〇〇〇日金	五〇〇,〇〇〇日金
日本	四平街銀行	一九二六年	五〇〇,〇〇〇日金	一五一,〇〇〇日金
日本	吉林銀行	一九〇年	二〇〇,〇〇〇日金	廿,〇〇〇日金
日本	教育銀行	——	五〇〇,〇〇〇日金	一〇〇,〇〇〇日金
日本	營口銀行	一九二九年	二〇〇,〇〇〇日金	三〇〇,〇〇〇日金
日本	商工銀行	一九二三年	五〇〇,〇〇〇日金	三三三,〇〇〇日金
日本	中日銀行	一九二九年	五〇〇,〇〇〇日金	一〇〇〇,〇〇〇日金
日本	遼陽銀行	一九二三年	五〇〇,〇〇〇日金	二五五,〇〇〇日金
日本	奉天殖產銀行	一九〇年	五〇〇,〇〇〇日金	五〇〇,〇〇〇日金
日本	安東銀行	——	五〇〇,〇〇〇日金	二二五,〇〇〇日金
日本	南滿銀行	——	一〇〇,〇〇〇日金	一〇〇,〇〇〇日金
日本	公主嶺銀行	——	二五〇,〇〇〇日金	二七五,〇〇〇日金
日本	北滿銀行	——	一五〇,〇〇〇日金	四六,〇〇〇日金
日本	松花銀行	——	一五〇,〇〇〇盧布	七二,〇〇〇盧布
日本	安東儲蓄銀行	——	一〇〇,〇〇〇日金	二,〇〇〇日金
日本	鐵嶺銀行	——	五〇,〇〇〇日金	一五,〇〇〇日金

日本 鐵嶺實業銀行 50,000日金
 27,500日金
 俄國 遠東銀行 2,200日金
 50,000日金
 13,000日金

以上各國銀行中發行鈔票者計有十行。據日人調查。中國流通鈔票額。外國鈔票約占三分之一。茲自民國五年至民國十四年逐年統計其發行額如左表。

(二) 在華外國銀行發行鈔票統計表

行名	民國五年	民國六年	民國七年	民國八年	民國九年
麥加利	—	25,591	15,682,633	1,806,093	2,866,818
匯豐	19,250,219	10,056,644	15,305,644	1,056,905	19,332,656
東方匯理	54,024,269	19,669,056	17,442,621	47,496,511	105,329,127
花旗	769,614	1,077,253	1,439,646	4,033,083	3,395,279
正金	18,050,547	10,031,136	33,602,441	15,153,914	7,542,576
臺灣	26,298,257	34,636,550	44,105,663	49,635,914	40,229,219
朝鮮	5,326,524	8,665,036	1,520,218,688	33,147,153	15,555,611
華比	—	—	1,126,233	1,221,608	1,325,054
有利	—	—	130,368	—	264,868
美豐	—	—	—	—	100,000
行名	民國十年	民國十款	民國十二年	民國十三年	民國十四年
麥加利	1,526,933	2,013,614	2,266,266	1,731,511	1,921,911

匯豐	四〇〇,〇〇〇,〇〇〇	四一,〇〇〇,〇〇〇	四九,〇〇〇,〇〇〇
東方匯理	六二八,〇〇〇,〇〇〇	——	四九,〇〇〇,〇〇〇
花旗	三,〇〇〇,〇〇〇	四,〇〇〇,〇〇〇	三〇,〇〇〇,〇〇〇
正金	八,〇〇〇,〇〇〇	五,〇〇〇,〇〇〇	三〇,〇〇〇,〇〇〇
臺灣	四〇,〇〇〇,〇〇〇	三〇,〇〇〇,〇〇〇	三〇,〇〇〇,〇〇〇
朝鮮	一六〇,〇〇〇,〇〇〇	一八〇,〇〇〇,〇〇〇	三〇,〇〇〇,〇〇〇
華比	一,〇〇〇,〇〇〇	一,〇〇〇,〇〇〇	二〇,〇〇〇,〇〇〇
有利	——	二〇〇,〇〇〇	二〇,〇〇〇,〇〇〇
美豐	一〇〇,〇〇〇,〇〇〇	九〇,〇〇〇,〇〇〇	一〇,〇〇〇,〇〇〇

各國銀行中。最有勢力者。為匯豐、花旗、正金、四行。各有其國銀行團以盾其後。其政府復扶植之。帝國主義者之大本營。壟斷我金融。把持我稅款。以發展其在華之工商事業。以吸取我國民之金錢。復以之借與我政府。以為干涉我財政。左右我事業之口實。茲略舉四行所經理之中國外債。以示經濟壓迫之一端。

- 一、匯豐銀行 英德借款 英德續借款 善後借款 防疫借款 保商期票借款 京漢鐵路新公債 中英公司借款

- 二、東方匯理銀行 善後借款 防疫借款 匯理銀行押

京鐵漢路新公債	湖廣鐵路借款	四九,〇〇〇,〇〇〇	——	四九,〇〇〇,〇〇〇
上海維持市面借款	湖北省借款	三〇,〇〇〇,〇〇〇	——	三〇,〇〇〇,〇〇〇
花旗銀行借款	漢口	三〇,〇〇〇,〇〇〇	——	三〇,〇〇〇,〇〇〇
善後借款	防疫借款	三〇,〇〇〇,〇〇〇	——	三〇,〇〇〇,〇〇〇
郵傳部借款	四鄭鐵路借款	三〇,〇〇〇,〇〇〇	——	三〇,〇〇〇,〇〇〇
敵僑遣散費借款	湖北借款	三〇,〇〇〇,〇〇〇	——	三〇,〇〇〇,〇〇〇
公司借款	漢冶萍	三〇,〇〇〇,〇〇〇	——	三〇,〇〇〇,〇〇〇

從銀行方面觀察。帝國主義者之經濟壓迫。已如此其可畏也。不從銀行方面觀察。我中國其能晏然已乎。如何打倒帝國主義。此中

國革命事業之最宜努力者。以非本文所及。故暫置不論。銀行之設立。在於供給資本。以發展生產事業。而欲求生產事業發展之速。則非集中資本。不為功。故集中資本。為我國銀行政策大標的。資本如何而後能集中耶。請注意下列數端。

一、中央銀行制度之確立

一、各種特殊銀行之設置

一、合作銀行之提倡

一、私人銀行之限制

銀行無組織。無系統。則散漫而弱。有組織。有系統。則整飭而強。上述四者。所以組織銀行而系統之也。能如是。則資本自然集中。而生產事業不難發展矣。或謂上述四者。即在帝國主義尚未打倒以前。亦可着手。是固然矣。然帝國主義不倒。則外國在華銀行之勢力。必且日強而固。我國銀行。感其壓迫之不遑。尙何繁榮可言。即令一時繁榮。亦不能以持久。已往事實。可證明也。况摧殘之者。方不遺餘力。固有銀行。已奄奄無復生氣。而謂上述四者。能於此時施行。不亦僥乎。然政策雖未能見諸施行。而研討則不可不豫試申言之。

一、中央銀行制之確立

關於我國銀行制度。有謂當採社會化。地方化。以防止野心家濫用政權。破壞金融者。因欲以美國聯合準備銀行制。移之中國。其用意不為不善。然各種專業之集中。為經濟上。技術上。自然趨勢。難以人力左右之。有蒸氣機之發明。而後產業革命。自產業革命。而事業日以集化。各國先例。具在我國不能獨異也。銀行隨各種專業為轉移。更難故違斯例。美國由國民銀行遞嬗為聯合準備銀行。是由分化而漸趨集化。各國無不設立中央銀行。以統一全國金融者。則是逕趨集化矣。我國欲求生產事業發展之速。含集中資本。集中事業。何途之從。確立中央銀行制度。即所以集中資本也。至野心家之操縱。自當設法防止。使設立中央銀行。專事經濟之建設。不為財政所牽掣。野心家何由而操縱之。如其政治不良。奸人弄國。欲濫用權力。以破壞金融。雖採社會化。地方化。亦未必能制止也。現在各省省銀行。無不供軍閥之濫用。其他銀行。亦被破壞殆盡。可為前鑑。然則中央銀行制度。悉採各國成規耶。曰不然。各國經濟政策。以發展私人資本為主。而以國營事業附之。我國經濟政策。當以發展國家資本為主。而以私人事業附之。故各國中央銀行。不必為國家之銀行。而我國中央銀行。則當完全為國家銀行。此其異一。各國中央銀行。係發展商業之銀行。為商

業銀行之中樞。我國中央銀行。係發展一切生產及輔助生產事業之銀行。為全國銀行之中樞。此其異二。現在我國號為中央銀行者。其數有三。(中國、交通、中央。)然皆有名無實。不足以勝統一金融之任。且政府對於中央銀行。祇利用之以補救財政。不認為經濟建設之機關。卒之財政金融。兩皆枯竭。馴至於不可收拾。欲矯此弊。宜確立中央銀行制度。祇從事於經濟上之發展。而對於財政。劃若鴻溝。兩不相混。則政治家雖欲利用之以恣其野心。亦無所施其技矣。如何確立中央銀行制度。中央銀行制度之確立。與集中資本。有何關係。請再詳言之。統一發行權。非中央銀行。無論何種金融機關。不能發行鈔票也。統一鑄幣權。非中央銀行。無論何種政府機關。不能鑄鑄貨幣也。全國之現金。由中央銀行貯存之。全國銀行之存款準備金。由中央銀行提存若干成。保管之。全國之票據交換。由中央銀行主持而決算之。國內資金之集散。固由中央銀行斟酌市場之盈虛。調劑而分配之。國外貿易金。亦由國外貿易銀行。與中央銀行計相當之聯絡。中央銀行得隨時操縱。各種特殊銀行。雖可分別設立。然其資金若干成。必由中央銀行撥付。中央銀行得監督其營業。各種債券之發行。概委託中央銀行經理。中央銀行更委託他種銀行。悉聽其支配。如此。

則資金集中。舉凡生產及輔助生產各事業。皆可一一規畫而設施之矣。中央銀行章程之擬定。讓諸異日。而大旨莫能外是。有理想詰余者。夫理想非幻想也。有理想。終當見諸事實。况所云云者。并非理想。大半已由各國實行。特我國尚未逮耳。

一、各種特殊銀行之設置

銀行組織。分英德兩制。英採分業制。而以存款銀行為主。德採混合制。而以起業銀行見稱。所謂存款銀行者。即普通商業銀行之謂也。資本獨少。專以收集存款為務。別於各種特殊銀行。掌握金融上之實權。所謂起業銀行者。即以商業銀行而兼工業銀行之謂也。資本極大。不以收集存款為委。投資式入股於各種工業。或逕由銀行設立而經營之。依集化原則。德制實優於英制。觀近來銀行趨勢。即英國銀行。亦多由分而合。可以證其不謬。我國銀行當集化而不當分化。前已詳言之矣。何以又有各種特殊銀行之設置。蓋各種銀行中。如農業銀行。國外貿易銀行。今尚有特設之必要。農業為不動產。且放款概屬長期。若由中央銀行併營之。必多感不便。專設農業銀行。而以其資本之一部。集自中央銀行。且由中央銀行派員監督其營業。則名分實合。相得益彰矣。若國外貿易銀行。以關係國際金融。當獨立於中央銀行以外。自不待言。

與中央銀行亦須相互聯絡。如日本銀行年貸巨款於橫濱正金銀行。不計利息。即其實例。可取以爲則也。我國國外貿易。爲外國銀行所壟斷。欲設法挽回。國外貿易銀行之設置。何能更緩。特設置時須籌集巨資。且收效當俟諸打倒帝國主義者以後耳。農業銀行。應爲國家銀行。而國外貿易銀行。即私人投資亦可。國內銀行與國際銀行。固應異其原則也。

一、合作銀行之提倡

私人資本不能遽廢。欲節制之。惟有提倡合作。合作者。社會化個人之資本也。前文不已言明不當採社會化地方化乎。何以提倡合作。蓋地方化有碍統一。而集團化無妨集中。地方化之社會化。固當反對集團化之社會化。爲可贊成故也。且節制私人資本。惟合作可收其效。集中國家資本。有合作益促其成。故一方面確立中央銀行制度。一方面提倡合作銀行。兩制並行。不相背也。且農村經濟與都市經濟。異其發達之階段。都市速而農村遲。都市可以集中。農村尚宜分化。德國信用合作。其發達多在農村。即緣於此。我國誠仿德制。推設合作銀行於農村。其助農業之發展。與益貧民之生計。寧有既極。此銀行政策中所以必須計畫合作銀行之設立之理由也。夫個人之資本。集而爲社會之資本。是亦一集

化也。與主張地方化國家銀行之說。迥不侔矣。

一、私人銀行之限制

我國現有銀行。系統不立。組織不備。或則濫發鈔票。或則專事投機。或則與政府相周旋。以求不正當之利得。其以發展生產事業爲目的者。殆絕無而僅有也。銀號錢莊。亦祇便於中小商。於國家未有莫大之貢獻。且以集化原則推之。則天然淘汰。爲時當復不遠。然則整理私人銀行。亦銀行政策中應有事也。余以爲私人之經營銀行者。宜高瞻遠矚。不當貪圖小利。但顧目前。應解散者。解散之。應併合者。併合之。應擴充者。擴充之。以期集中實力。發展各種生產事業。國家復爲訂定通則。非有若干萬元以上之資本。不許設立。營業而非發展生產事業者。嚴加取締。課以累進之營業稅。所得稅。資本稅。以節制其資本之專橫。存款準備金。必須提存若干於中央銀行。漸舉資本集中之實。則私人資本。收其益而不形其害。國家個人兩利之道也。至儲蓄銀行。宜由公營。不當由私人設立。尤當注意。未可忽略視之。

總上所言之。於生產政策。注重資本之集中。於分配政策。注重資本之節制。經濟建設。要不外是。不僅銀行政策爲然。已也。經濟壓迫方亟。抵抗尙未易言。建設豈能如願。然亦有目前即可着手者。有

須俟諸他日者。權其輕重緩急。而適宜施行之。一在賢明當局之抉擇。

大學院應注意之問題其一 陳柱尊來稿

七八年來國內之私立大學。頗有勃然興盛之象。而尤以上海北京爲甚。至近一二年。乃始稍稍退減。此其故有四。一則不良者自然歸於淘汰。二則頻年戰事。交通不便。三則鄉里爲墟。民窮財盡。四則教職員與學生多奔走政治。以後三者之故。則學生之數自必減少。而私立大學之根基不固者。乃不得不停辦。此自然之勢也。此事無關重要。今姑不具論。而今之所欲述者。則吾個人對於私立大學之意見如何。敢以質之於大學院當局與海內之留心教育者。

欲說明吾個人對於私立大學之意見。不得不先述國內一般人之見解。以略評其得失焉。

今任指稍有常識之人而問之曰。君對於私立大學如何。則固鮮有顯然非議之者。然若問之曰。私立大學比之國立大學何如。則必搖首表示不及之意。此一般人之見解。大抵然也。推求其故。約

事別 國立

五有焉。

- (一) 吾國人拜官觀念。深入骨髓。國立學校。在昔或私官立。
- (二) 國立大學。有公地公款。以爲建築。校舍比較莊皇。外觀足以動衆。私立大學則否。
- (三) 國立大學經費比較充裕。圖書儀器之設備尙有少數。私立大學則多談不到設備二字。

(四) 國立大學經費較裕。薪水較優。可以聘請時髦。體面較好。

(五) 緣上列四因。國立大學。自然人人趨之如鶩。而學生之考入較難。難則愈覺其可貴。反之。私立大學來者自然較少。而所恃以維持者。乃全在學費。於是收生不得不濫。濫則學生之入學也易。易則輕視之心。生甚者乃護其野鷄焉。

以是之故。私立大學。自然比國立大學下數等。除第一條外。任何人似亦不能絕對否認其說也。然此特一偏之見耳。以余觀之。國立私立。各有優點。亦各有劣點。試爲表列明於下。以資比較。今之大學當局觀之。當亦有相視而笑。莫逆於心者矣。

私立

設備
優點 經費較裕、設備較完、
劣點 任意揮霍、無益實用、

管教
優點 經費充裕、有實力、易於認真、
劣點 因緣勢力、易於腐敗、

收支
優點 因有政府監督、不敢舞弊、
劣點 恃勢力為後援、多有黑幕、

薪俸
優點 薪俸較優、
劣點 政局影響、常至欠薪、

職教
優點 薪俸較優、能延攬人才、
劣點 為政局所牽動、

合作
優點 可與同安樂、
劣點 不可與同患難、

以上所列、學校中重要事項、大略已具、其餘不皇枚舉、然則國立私立、各有其可優之勢、亦各有其可劣之勢、原不能定其孰者必優、孰者必劣、要當視乎其人而已、然則今之觀察者、乃止就其一偏之見、而遂謂私立大學、必劣於國立、得無謬乎、以彼錯謬之見解、於是乎國人對待大學生、遂有種種歧視、例如某某省對於補助大學生學費一事、遂以國立大學為限、私立者

優點 羣策羣力、日久可觀、
劣點 贊助者少、捐款不易、

優點 無所倚賴、不能不力求振作、
劣點 因專恃學費、遂一切放任、以廣招徠、

優點 教職與學生互相督察、不易舞弊、
劣點 無人監督、校款為二三人壟斷、

優點 不易受政局影響、
劣點 薪俸太薄、且易欠薪、

優點 不為政局所推移、
劣點 薪俸太薄、不易延攬人才、

優點 可與同難患、
劣點 不可與同安樂、

不得與焉、諸如此類、不可殫舉、由是大學生畢業服務、亦以國立者較便利焉、由是國立大學之校長及教職員學生之頭銜、亦似較為榮耀焉、國人之見解如此、不啻故意壓抑私立大學矣、然則吾對於私立大學之意見如何、乃可得而述矣、吾以為吾國今日國立大學尙少、而中學畢業生日多、倘無多數私立大學、則失學者必大多數、請試一計算近年來每年中等學生畢業者若

千千、而國立大學每年招生名額若干百、又試一計算肄業私立大學者若干千、則今日之國立大學、不足以供全國中學生升學之需求、其事乃至明、則吾人對於私立大學、乃急當獎進之、扶助之、而不當壓迫之、摧殘之、亦至易明白矣、

私立大學之不可輕視、已如上述、然一般之投機分子、以設立私立大學爲其投機之事業者、亦實繁有徒、政府對此、亦當有相當之辦法、則慎重考察其成績及辦法、有不可緩者、其最重要爲下列四端、

- 一、招生資格及程度、宜檢驗文憑及試卷、
- 二、畢業程度、宜檢驗試卷、
- 三、學校設備、每年設備費、如圖書儀器若干、能否實行購置、
- 四、經濟公用、財政委員會如何組織、各項詳細收入、宜逐項登載於校中公報、並定期呈報大學院、

此外種種、經考察後、倘能合格、即當准予立案、次第補助之、其不合者、則勒令停辦、以免誤人子弟、他日並誤國誤民、至於各省補助大學生學費、則當一視同仁、不宜有國立私立之歧視、是所望於今日之教育當局者矣、

國際政治經濟情形

戰後法國財政經濟之恢復

乙未

一日人之觀察

自一九二六年七月、普安寶網維國內第一流政治家、組織所謂舉國一致之內閣、繼耶里阿後、而握法國政權、迄於今已一年又七閱月矣。其當國較以前各內閣爲久。故其政績亦斐然有可觀。而年來之財政金融政策、舉世界大戰以還、法國財政經濟迄未恢復之困狀、日益改善。尤爲世人所嘖嘖稱道。茲略述其實迹如後。俾治國聞者、覽觀焉。

一、財政

法國戰後財政之困難、原於德國賠償金之不付、而佔領洛爾、支出軍費過鉅、國費膨脹、亦其一因。法郎匯價之暴落、對外信用之失墜、皆所以明示財政界之不安也。一九二四年八月、在倫敦成立杜賓案、於德國賠償問題、見解決之端緒。至去年八月、第三期賠款支付、復如約履行。法國分得每期支付全額之五成。總計其

已取得之額數。至少達十八萬五千萬馬克。加之一九二六年議會通過各種增稅案。其增收額上二十五萬萬法郎之巨。故其財源愈益豐富。今表列一九二六年以來法國之歲計預算額如左。

年 度 歲 入 歲 出

一九二六年 三七·四九八·七三九 三七·三三八·三八九
 一九二七年 四三·九九八·二五二 四二·三三八·六三四
 一九二八年 四二·四九六·六一六 四二·四四一·四五七
 一九二八年之預算。代議院及上院均頗有爭論。最初政府所提出者。

歲入四二·一六〇·六八二·六五一法郎 歲出四一·五二七·九五二·一七一 歲入超過六三三·七三〇·四八〇
 代議院加以修正如下。

歲入四二·五六七·八五三·一七六 歲出四二·五五五·一一四·一二七歲入超過五二·七三九·〇四九
 上院財政委員會又核減之如下。

歲入四二·五〇四·四〇三·九七六 歲出四二·二八五·六八一·〇二〇歲入超過二二八·七二二·九六六

兩院爭點第一，為關於築路者之國家補償。第二，為給予大戰時

為俘虜者之補償金（年須五百萬法郎）幸皆無事解決。預算案於焉成立。預算案中有特應注意者。即第二期海軍計畫案之決定。是也。建造巡洋艦一隻。驅逐艦六隻。第一級潛水艦五隻。潛水艇一隻。報知艦三隻。歲計有餘。故擴張軍備。單就一九二七年預算言之。十一月止之累計（法國會計年度為歷年制自一月一日起至十二月卅一止）繼續收入。比預算增加一萬二千七百萬法郎。直接稅收入。亦有九萬七千四百萬法郎之激增。上院財政委員長奚兒給氏。謂一九二八年度歲計。為自大戰以來空前之好況。信非過言。國庫自一九二六年以來。非常窘迫。而去年底。其透支法蘭西銀行者。已自最高額三百八十萬萬法郎。減為二百五十五萬五千萬法郎。銀行於前年十二月底。其貼現及放款。為六十五萬二千萬法郎。去年十二月底。激減為四十萬一千二百萬法郎。而一般存款。則自五十八萬九千四百萬法郎。增至百零四萬八千萬法郎。金融之充實。政府透支之減少。皆財政改善有以致之。

二、匯兌及物價

財政之改善。亦可於匯兌市價徵之。一九二六年七月。巴黎對英匯兌。低至百九十九法郎〇三。逐漸回復。至一九二七年三月以

降。穩定為百二十四法郎，同時對美匯兌亦低至四十九法郎九六。回復甚速，至去年二月以降，即為二十五法郎。茲對比一九二六年及一九二七年巴黎每月對英對美匯兌如左。

對英匯兌（平價一英鎊合法郎二五·二二又二分之一）

月別	一九二六年	一九二七年
一月	一二八·七九	一二二·五八
二月	一三三·四〇	一二三·六一
三月	一三五·八一	一二四·〇三
四月	一四三·六八	一二四·〇二
五月	一五五·〇六	一二四·〇二
六月	一六五·九二	一二四·〇二
七月	一九九·〇三	一二四·〇三
八月	一七二·一一	一二四·〇三
九月	一七〇·〇七	一二四·〇二
十月	一六五·五五	一二四·〇六
十一月	一四一·一七	一二四·〇四
十二月	一二五·二八	一二四·〇二
平均	一五二·九一	一二三·八七

對美匯兌（平價一美金合法郎五·一八又二分之一）

月別	一九二六年	一九二七年
一月	二六·五二	二五·二六
二月	二七·二三	二五·四八
三月	二七·九五	二五·五五
四月	二九·五六	二五·五三
五月	三一·九三	二五·五三
六月	三四·一二	二五·五四
七月	四〇·九六	二五·五五
八月	三五·四二	二五·五二
九月	三五·〇五	二五·五〇
十月	三四·一五	二五·四七
十一月	二九·一二	二五·四五
十二月	二五·八三	二五·四〇
平均	三一·四九	二五·四八

匯兌市價。逐步趨高。亦政府維持之效。法政府於倫敦紐約兩市場。貯存正貨達二百四十萬法郎。巧應匯兌市價之變動而運用之。故能收效若是。近今已有提回在外正貨之意向。一因法郎市價安定。已無存貯巨額資金於外國市場之必要。一因準備現

金輸出之解禁。須吸存正貨於國內。故也。

次察物價之趨勢。躉賣價大致似追逐匯兌市價。而小賣價則稍異。然兩者自去年下半年以來。價皆低落。今據一九二六年及一九二七年法國一般統計。表列躉賣及小賣之物價指數如左。
 (以一九一四年七月指數為標準指數)

躉賣物價指數	
月別	一九二六年
一月	六四七
二月	六四九
三月	六四五
四月	六六四
五月	七〇二
六月	七五四
七月	八五四
八月	七八五
九月	八〇四
十月	七六八
十一月	六九八

躉賣物價指數	
月別	一九二七年
一月	六三五
二月	六四五
三月	六五五
四月	六五〇
五月	六四二
六月	六三六
七月	六三三
八月	六三一
九月	六一三
十月	六六〇
十一月	六〇七

中國公報 創刊號

十二月 六四〇
 小賣物價指數

一月	四八〇	五九二
二月	四九五	五八五
三月	四九七	五八一
四月	五〇三	五八〇
五月	五二二	五八九
六月	五四四	五八〇
七月	五七四	五五七
八月	五八七	五三九
九月	五九〇	五三二
十月	六二四	五二〇
十一月	六二八	五〇〇
十二月	五九九	—

躉賣價以前年七月為最高值。自後則逐步低落。而小賣價於七月後。仍不變其騰貴之趨勢。遂達前年十一月之最高值。去年十一月之躉賣價。比之前年十一月。有九十一點之下落。小賣價則有百二十八點之下落。似小賣價較躉賣價為低。然前年十一月

之小賣價。非最高值也。若以前年一月與去年十一月比較。躉賣下落四十點。小賣反騰貴二十點。是目下之物價。比之經濟危機以前。躉賣價確已大低落。而小賣價則反騰貴。不可不知。

三、對外貿易

再就對外貿易觀察。爰區別一九二六、一九二七兩年食品、原料品及製造品之數量、價額。表列其自一月至十一月之輸出。而對比之。如左。(單位噸數、千價額百萬法郎)

食品貿易額			
噸數	輸入	輸出	入超
一九二六年	四·五一一	一·三〇〇	三·二一一
一九二七年	六·〇八七	一·二六〇	四·七四七
價額			
一九二六年	一〇·四二四	四·五〇九	五·九一五
一九二七年	一二·七六〇	四·七六八	七·九九二
原料品貿易額			
噸數	輸入	輸出	入超
一九二六年	三五·六三二	二四·〇七四	一一·五五八
一九二七年	三八·三〇三	二四·四〇九	一三·八九四

製造品貿易額			
噸數	輸入	輸出	出超
一九二六年	一·二五三	四·三一八	三·〇六五
一九二七年	一·〇六一	四·九五八	三·八九七
價額			
一九二六年	三六·八八一	一五·二六四	二一·六一七
一九二七年	二九·六五二	一五·三〇〇	一四·三五二

貿易總額			
噸數	輸入	輸出	入超(一) 出超(二)
一九二六年	四一·四〇五	二九·六九三	(一)二·七一二
一九二七年	四五·四五	三四·六二八	(一)一〇·八二三
價額			
一九二六年	五四·三一二	五四·三〇七	(一)五
一九二七年	四七·六三七	五〇·二〇四	(十二)五·六六七

對照以上各表。去年比前年。食品之輸入極增。而輸出不及。原料

品。於數量。輸出共增。於價額。則輸入減。而輸出略相等。蓋物價。下落之影響所致。製造品。輸入之數量。價額均減。而輸出則數量。增。價額減。至貿易總額。以數量言。輸出入共增。以價額言。輸出入共減。夫數量之增。實明示貿易之發展。而價額之減。不過隨物價之低落而短少。不足憂也。綜視各表。製造品之輸出。特為發達。則內地工業恢復。勞動者生活改進。失業者為數日少。自不待言。經濟上日益繁榮。則財政上日益豐裕。又可推測而得之矣。惟滙兌市價。盤旋於百二十四法郎左右。比之杜賓案成立時。尚遠不及耳。法政府倘欲為意大利政府之所為。實行現金解禁。宣布金滙兌本位制。此其時矣。果斷行而不猶第耶。請以下章所述驗之。

四、金本位恢復問題

最近法政府之金融設施。一以恢復金本位為目的。因為其準備。公定貼現率。於去年十二月二十九日。自五分降為四分。今年一月十九日。再減至三分又二分之一。而自五分又二分之一減為五分。則去年五月十五日也。其時法蘭西銀行之流通券額數。為五百六十五萬五千萬。比之前年（一九二六年）同期五百二十九萬七百萬。已增加三十四萬四千三百萬。更比之一九二五年同期。則增發已五十四萬六千五百萬。通貨之膨脹。的然無疑。

且巴黎市中金利。早已降為二分。公定率之低減。政策上所不得。不然者也。當一九二六年七月。財界危機。一髮之際。公定率為七分五厘。市中金利七分。以今較昔。其低減可謂大矣。蓋法貨漸復常軌。流出之資金。一旦還歸。不低減金利。則投資又當深感困難。政府之財政。以收縮為主。民間之資金。自然潤舒。如上所述。法蘭西銀行之存款。已增至四十五萬八千六百萬。而政府透支。反減為十一萬四千五百萬。可為明證。今後此種現象。尙能廣續與否。雖未可預必。然法政府之金利政策。自當一時維持。不復變更。今年一月十日。以大總統令解除資本輸出之禁。自一九一八年。法政府制限資本之輸出。迄今已十年矣。中間因與外貨交換。限法郎一千。許其輸出。又確為輸入物品之支付。亦准其輸送現金。今解禁令既頒。國外滙兌市場之人為障礙。已根本取消。法國人民此後可以自由投資於外國證券。故巴黎交換所之外國證券市場。頓形活潑。低價者驟於騰高。戰爭以來禁止輸出之英美證券。常有 Premium。自解禁後。其 Premium 立時消滅。昔安賽以首相而兼財政大臣。為益固其財政計。故出此斷然之處置也。且最近十五個月。法蘭西銀行。蓄積巨額之外國資產。其金額總計達十二萬萬打拉。再加銀行現貨五十五萬四千四百萬法郎。

對於銀行券流通額五百八十萬法郎。完全足為保證。易詞言之。以今日之滙兌市價（對美二五·四一又二分之一）解除資本輸出之禁。決不致惹起困難也。美國見法政府之貨幣安定策。著著成功。亦變更從來對法政策。於今年一月十四日。以國務省之通牒。解除不許投資法國股票之禁令。此禁令。為債法政府不設戰債基金而發布者也。且對於法國證券交易有關係之銀行。約五十家。國務省備發通牒。聲明美實業家如有投資法國之意。即在梅倫柏運箱債務協定未得法金批准以前。祇須對美之債務償還。確實可靠。亦可投資。惟法政府之借債。則不許應券。以債務協定未批准故也。因此一般推測。美國銀行界。於解禁後。對於法國鐵道、輪船、煤、鐵、發動機以及化學工業。必將陸續投資。而巴黎方面。則以為不致有大借美款之舉。因法國之企業金融。已有充分實力。無須借助他人也。總之。普安費之政策。可謂已得相當成績。九切一實之功。獨視金本位恢復問題如何耳。然具體之方案。不久當可告竣。吾人試引首以企及之。

日本衆院選舉之結果觀

吳自強

▲野黨與政黨相差僅二名

▲政府黨之致命傷

▲政情難免陷于不安現象

日本全國之選舉結果。現已判明。其當選之人數。民政兩派。互為己黨爭面子計。政友會則云自黨二百二十一名。反對黨二百十三名。民政黨則云兩派各為二百十七名。因兩黨均將中立黨議員之一部加入。故有如是之差異。茲據朝日新聞之報告。其各派人數如左。

政友 民政 實同 革新 民衆 勞農 日勞 地方 中立 共計
 二七 二九 四 四 二 一 一 一四 四六

由上之結果觀之。足引起人之注意者不少。雖政友會比民政黨多二人。然當初政友會希望之人數。仍不止此。故政府鑒于此種結果。亦以為自後單政友黨不能使政局安定。而中立黨又不完全與政友派一致。若當會議時。政府將不信任案提出。中立議員雖有一部歸向政府。而其他一部則表同情于民政派。又原來實業同志會。雖傾向于政府方面。其餘革新黨則除尾崎氏外。均加入在野黨。又無產黨則無論如何。與政府立于反對地位。故今後日本之政局。恐將易陷于不安之地位矣。

自強于東京 一九二八、二、二四

南洋研究專欄

南洋羣島爲我中華同胞之第二生活根據地。且據以前之經過觀之。與吾華國民革命有至深切之關係。至長久之歷史。執以後之進程推測之。與吾新中國實業之開拓。經濟之發展。尤可抱極偉大之希望。但現在則日人步步侵入。而國人則方沉沉酣睡。形勢極爲岌岌。老友劉士木先生對於南洋研究有年。所搜冊籍凡千百種。蓋愛國苦行之士也。本刊特闢專欄。請其聯續担任撰述。以事傳播而醒國人。

正字識

日本侵略南洋之概況……與我華人 今後覺悟

劉士木

予海外人。天然與海外父老昆弟諸姑伯姊有密切關係。故海外事情不能一日忘懷。予作客日本雖不久。因見了日本教育的發達。吏治的整飭。國民的勇敢。有爲。政府的盡心爲民。不能不使我欽佩。使我憂懼。予的眼光就與尋常稍稍不同。予從多方面考察後。覺日入海外侵略的形勢。大有一日千里的氣概。這話一些沒

有誇張。以我無訓練。無系統。無保護。無遠計。無團結的經濟僑衆。與彼精明幹練。沉毅敏活。有訓練。有遠計。有系統。有團結。有保護的民族相接觸。豈能不見勢拙。日見劣敗。觀斯現象。眷念同胞。不禁悲從中來。青衫淚濕了。

讀者諸君。誰不光愛我祖國。誰不注意日本進逼不已的侵略政策。而想求得一真消息。予並不敢謂予的眼光爲獨到。但在報告國際爭存的消息十分沉寂時候。得此一段簡略淺陋的報告。亦不失爲空谷足音。深願諸君子抽出五分鐘寶貴時光。一聽予驚心動魄的消息。

武裝的侵略

日本在東方肆行侵略手段。分爲兩路。一路是利用無數的陸軍。在我國北方拓展他逐步蠶食的殖民政策。名爲北進派。一路是利用無數的陸軍。在我國北方拓展他逐步蠶食的殖民政策。名爲南進派。

北派派勢力一步步擴張。天然自我國五族共和裏的滿蒙民族。遭着了剝膚噬臍的痛苦。南進派勢力一步步擴張。天然是我國閩粵兩省開業海外的無數僑衆。與一小部份由各方來的僑衆。遭著吸髓敲骨的災禍了。

北進派在我國北方經營，氣候上受了寒威的限制，地理上受了山脈崎嶇的限制，外交上受了國際間嚴重監視，不得十分自便的制限，勢力發展，比較的稍為吃力些，遲緩些，南進派在我國南方經營，氣候上受了天氣暖發的特賜，地理上受了水面交通的特賜，外交上受了英荷各國國勢不振，步步退讓，及馬來土人帖帖服服，受他牢籠，漸漸聽他指揮多種的特賜，所以把兩派侵略大勢相比較，自然以南進派的進迫為猛厲為兇橫。

經濟侵略的變化

日人始初踏進南洋島中時，很簡單，很輕便，使人毫不措意，不過幾種賣笑賣身的娘子軍，及資本微弱的小買賣人，借著皮肉生涯與肩擔背負的買賣，深入腹地，秘密觀察，一轉眼間，資本較大的貿易商又來了，再一轉眼間，偌大的洋行，偌大的銀行，偌大的領事館，偌大的汽船會社，偌大的書信館，偌大的教育事業，新聞事業，偌大的商品陳列館等，鑼鼓喧天，呼噪而至，他們有遠計，有整備，巧於辦理交涉，敏於攫取機會，到了現今，連居留政府的財政權，以及其他多種特權，會幾何時，都像變戲法一般，移轉到日本人手裏去了。

吸收華僑財力施行操縱華僑的巧妙手段

中國商人本來為南洋經濟界的主人翁，日人現在竭力設法排斥華人，利用華僑資本，開辦銀行，把華僑經濟權輕輕便便移轉到他自己手中，操縱市面，要制我數百萬華僑死命。

現在南洋金融界日人所占有的勢力

日本在南洋方面規有的金融機關

一為橫濱正金銀行，一為臺灣銀行，一為三井銀行，一為華南銀行（中日合辦）

華南銀行就是吸收華僑資本成立的，華僑出血本，他們派人，華僑辛辛苦苦做牛馬，他們舒舒適適得金飯碗，得了便任意指揮，憑著空手，取到實權，究竟誰便宜，誰喫虧，不用說了，我只怪我一般優秀的僑衆，太失了計較，要毀華僑銀行，為何不趁早培植銀行人才，自設銀行，自己經營，自己管理，不過現在亡羊補牢，急起直追的整備起來，尚不算晚，願多少資本家，勿把此事輕忽看過，日本低行帶有政治性質，貸資日僑，收取低利，維持日僑商業，從平地上扶持他們直上青雲。

此外還有特種借貸銀行，專門幫助日人到南洋做小本生意，真不愧為造著廣廈千萬間，大庇寒士盡歡顏。

未完

徵文範圍

- 一 關於建設問題之研究內包1憲政2財政3外交4教育5實業6交通7國防8民政自治等
- 二 關於現在政象之批評者內包1內政2外交3各種黨務4時人
- 三 關於中外政治經濟制度及政黨政策等之研究批評者
- 四 關於現代政治思想之介紹者如最新政治學說及社會主義等
- 五 關於中外古代政治學說及制度之研究者
- 六 關於中外政治經濟現象等之觀察調查者內包1系統的調查介紹2筆記

版權有所不許翻印

定價

零售 本期每册大洋八分代售處上海四馬路棋盤街等處大書店

訂閱 每元廿四期郵費在內歐美各國每期加郵費四分郵票代洋作九五扣以半分至一分者為限定閱之款請掛號寄上海勞動生路致和里二十一號李繩武君

廣告價目

地位	一期	四期	十二期
全面	二十元	六十四元	一百八十元
半面	十元	三十二元	九十元
四分之一	五元	十六元	四十五元
六分之一	四元	十四元	四十元

- 一 底頁外面及論說封面照表加倍
- 一 封底面裏頁照表加半
- 一 廣告概用白紙黑字
- 一 廣告如用圖板可由本報代辦照收製版費
- 一 刊登廣告在十二期以上價目從廉臨時面議
- 一 廣告費須預付
- 一 在登載廣告期內奉送本刊物一份

二期要目豫告

三期要目豫告

革命黨之組織與運用

革命中之政治方略

楊正宇

(一名國民黨之醫治方)

楊正宇

我國教育宗旨

陳科美

新道德之建設

楊雪洲

建設中之宅地政策

郭文鶴

建設中之農地政策

郭文鶴

我國十五年來政治之觀察

楊雪洲

中國工潮之索隱

唐慶增

英國之帝國主義的政治學說

樂公

大學院應當注意之問題其二

陳柱尊

蘇俄新經濟政策之基礎與理想

乙未生

英國之帝國主義的政治學說

樂公

歐洲政象之觀測

任民

列強經濟之概況

乙未生

南洋研究專欄

劉士木

歐游日記

陳科美

尙有要目未及列人

南洋研究專欄

劉士木

尙有要目未及列人